

- Informacija za medije -

Tim Sparkasse Bank volontirao za djecu Mjedenice

Sarajevo, 24.09.2016. – Zaposlenici Sparkasse Bank organizirali su volonterski dan za djecu iz Mjedenice s ciljem jačanja socijalne inkluzije djece s posebnim potrebama. Sparkasse volonteri i njihovi mališani istinski su uživali u ovom druženju, a za djecu iz Zavoda Mjedenica organizirano je i besplatno terapijsko jahanje.

Zavod Mjedenica i Sparkasse Bank već duže uspješno surađuju na različitim projektima u kojima banka podržava njene štićenike. Finansirani su izleti i kursevi slikanja u prirodi kao vid terapijskog programa, a otkupljivanjem predmeta koje izrađuju djeca u Mjedenici te poklanjanje istih klijentima banke je djeci Zavoda omogućeno da se osjete korisnim i produktivnim, ali i da finansiraju svoje aktivnosti. "Sva sredstva koja su ranijih godina ulagana u komercijalne poklone i čestitke, usmjerena su na unikatne radove iz Mjedenice. Time smo željeli promovirati ideju ekonomskog osnaživanja onih kojima je potreban sva pažnja i podrška društva", navodi se iz Sparkasse Bank.

S druge strane, Sparkasse Bank pružila je finansijsku podršku i udruženju Riders of Hope koje, između ostalog, radi na projektima terapijskog jahanja u sanaciji dijela njihovih prostorija.

Volonterski dan organizirali su s ciljem spajanja dva udruženja kako bi djeci iz Mjedenice omogućili terapijsko jahanje koje je korisna podrška njihovom razvoju, ali i dali primjer i promovirali ideju inkluzije djece sa posebnim potrebama u društvo tako što su u akciju uključeni uposleni i njihovi mališani.



"Mi imamo samo riječi hvale za Sparkasse Bank, i koristimo i ovu priliku da im se zahvalimo za sve što čine za djecu iz Mjedenice, te za organiziranje volonterskog dana u kojem smo svi istinski uživali", istakao je Selmir Hadžić, direktor Zavoda Mjedenica.

Elmira Lalić, PR Manager

Sparkasse Bank dd, 71000 Sarajevo, Zmaja od Bosne 7; Tel.: +387 (0)33 280 395;

Fax: +387 (0)33 280 395, Mob.: +387 (0)61 477 866; Email: elmira.lalic@sparkasse.ba; www.sparkasse.ba